


# KE NGWAKO OFE WO LE KAGO GO NKAGELA WONA?

 Ke a go leboga, Ngwanešu Green. Ke mongetla. Madume go Ngwanešu le Kgaetšedi Green, le ka moka ba ba lego fa mosong wo. Gomme ke mongetla wo ke ikwelago gore o filwe nna, go tla lefelong le la go direla, go dira ditsebišo di se kae.

<sup>2</sup> Ga ke nyake go tšea nako ya Ngwanešu Green fa, ka gore ke kwele Ngwanešu Green makga a mmalwa, a bolela, gomme ka nnete ke ile ka huetšega, gomme ge a tliša Lentšu la Morena go rena, gomme ka kokobetšwa kudu ke lona. Maabane o rile, “Ga ke hwetše Lentšu go tšwa go Morena bjalo mohlomongwe Le ka tla ka kutollo, bjalo ka ge—bjalo ka ge Le rometšwe, eupša,” a re, “Ke rata go—go gatelela godimo ga se se boletšwego.” A re, “Go swana le ge Paulo a ngwadile selo se sengwe ka Beibeleng, ke tla fa go gatelela godimo ga se a se boletšego.” A re, “Ga ke na le molaetša, feela go no gatelela godimo ga se se šetšego se boletšwe go tšwa go Morena.” Bjale seo ka nnete se be se kgahliša kudu, yo—yo moswa mothaka ka mokgwa woo, gomme a bolela, a dira tshwayo ye bjalo.

Bjale a re nong go ba le lentšu la thapelo mmogo.

<sup>3</sup> Morategi Modimo, ga ke tsebe gore nka thoma bjang, ka gore ke a kwa gore O fa lehono, gomme ka Bogoneng bja Gago ka mehla re kwa re le ba bannyane. Gomme ke—ke a Go leboga ka mongetla wo. Bjale, Morena, gore Wena o re file lefelo le, re a rapela gore O tla kopana le rena nako ye nngwe le ye nngwe ge re kopana fa. Gomme a nke Moya wa Gago wo Mogolo o sepele godimo ga toropokgolo ye! A nke re kgone go tliša Molaetša wo wa Ebangedi yeo e filwego rena gomme wa neelwa diatleng tša rena ka mo matšatšing a mafelelo, a nke E phethagatšwe, gomme O hwetše soulo ye nngwe le ye nngwe ka ntle ga Tucson le tikologo, yeo O e beetšego go ya Bophelong. Efa dilo tše, Tate, Leineng la Jesu Kriste. Amene.

<sup>4</sup> Ke nagana gore ke nyaka go bala temana ye nngwe ya Lengwalo fa mosong wo, feela pele ke bolela mantšu a ao ke dumago go a bolela. E hwetšwa ka kua ka go Ditiro, ya 7 tema ya Puku ya Ditiro. Gomme ge le sa phetla go ya go yeo, re tla thoma go 44 temana.

<sup>5</sup> Bjale re ya Shreveport beke ye, beke ye e tlogo, ka baka la ditirelo tša go latelana, gomme bjale re ya go leka, ge Morena a rata. Ngwanešu Moore, Ngwanešu Jack Moore, mogwera yo mobotse kudu wo mmogo Ngwanešu Pearry le nna, gomme re rata Ngwanešu Jack. Molaetša, ke a nagana, ka mokgwa wo

mongwe o a mo tlabā gannyane, gagolo ka tše dingwe tša dilo tše re di swerego ka go ratega le go di dumela, gore—gore O tlile go rena ka go bulwa ga Mahuto a Šupa, bjalo ka ge re O dumela, bjalo ka, “peu ya serpente,” le “tšhireletšo ya ka Gosafelego ya badumedi,” le—le go ya pele, ye mengwe ya Melaetša yeo. Yeo, mohlomongwe go ba bangwe. . . Ga re nagane gore Wo ke wo mothata, eupša, O, o swanetše go bula pelo ya gago go Therešo. Re a dumela gore re phela ka—ka bofelong bja nako. Seo se no ba sa nnete go rena, gore re no ba bofelong bja tsela.

<sup>6</sup> Gomme go bolela ka kerekeng ya monna yo mongwe, go lokile, o nyaka go hlompha mabobo a monna yoo, a go—a go go fa sebakabotse go tla ka kerekeng ya gagwe. Gomme nna, ka nnete, ka go tseba gore ga ba dumele ka go Woo, gomme ke tla ba hlompha go lekanela gore. . . Fao go na le ye mentši go fetiša ye nka kgonago go bolela ka yona fao, ntle le go tliša Woo ka gare; ntle le ge e ka ba Moya wo Mokgethwa o direge go O kgoromeletša gannyane, le a bona, gona ka nnete ke tla bolela bjalo ka ge A boletše. Gomme ga ke tsebe bokaonekaone go feta go dira seo, gomme ke a holofela ga se ka ke ka ithuta bokaonekaone bjo boitšego go feta go dira seo. Le a bona? A re nong go O bolela ka tsela ye A O bolelago.

<sup>7</sup> Bjale a re buleng feela te—temana goba tše pedi fa go tšwa go—go ya 7 tema ya Puku ya Ditiro, re thome ka ya 44 temana.

*Botate wešu ba be ba na le taberenekele ya bohlatse ka lešokeng, bjalo ka ge a ile a laela, a bolela le Moshe, gore a e dire go ya ka tekanyo yeo a e bonego.*

*Yeo gape botate wešu bao ba tlilego ka morago ba e tlišetše ka gare le Jesu ka go bong bja Bantle, bao Modimo a ba leleketšego ntle pele ga sefahlego sa botate wešu, go fihla ka matšatšing a Dafida;*

*Yo a hweditšego kgaogelo pele ga Modimo, gomme a duma go hweletša Modimo wa Jakobo taberenekele.*

*Eupša Solomone o mo agetše ngwako.*

*Go ka tla bjang gore yo Godimo kudukudukudu ga a dule ka ditempeleng tše di dirilwego ka diatla; ka fao moporofeta a boletšego,*

*Legodimo ke terone ya ka, . . . lefase ke bogato bja nao tša ka: ke ngwako ofe wo le ka nkagelago wona: go rialo Morena: goba ke lefe lefelo la ka la go khutša?*

*A ga se diatla tša ka tše di dirilego dilo tše ka moka?*

<sup>8</sup> Godimo ga Se, go balweng ga Lengwalo le, ke nyaka go bolela mantšu a se makae ao ke nyakago go a bolela pele Ngwanešu Pearry a tliša molaetša wa mosong.

<sup>9</sup> Ke hwetša ye tee ye ya dinakwana tše kgolo tša go etela ga ka Tucson. Ke tla fa ka baka la gore ke etilwepele go tla fa. Ke tlile fa ka baka la gore Moya wo Mokgethwa, ka pono, o

nthometše fa. Ke a tseba seo se ka no bonagala se se sa tlwaelaga, mohlomongwe. Eupša O, bokgole bjo ke bo tsebago, se sengwe le se sengwe se ke se tsebago ka Modimo, ke rometšwe ke pono go tla Tucson. Ke maketše gore nka tsoge ka rongwa bjang go lefelo le la leganata. Gomme ka gona fa moo fao go lego. . .

<sup>10</sup> Go bolela ka semoya, bogodimo ga toropokgolo, ga ke tsebe lefelo le lengwe leo le lego go fetiša go hwa semoyeng, go feta ka toropongkgolo ya Tucson. Fao go na le ntwa magareng ga diphuthego. Go na le dingangišano magareng ga diphuthego. Fao ga go na le botee, gomme yo mongwe le yo mongwe o tlimaretše, le go swara, le go pitiletša, le go leka go hwetša yo motee yo, le go ngala. Ke leganata, go bolela ka semoya, gape.

<sup>11</sup> Eupša ka gona ke badile ka Beibeleng, fao Modimo a go bitša Moshe go tloga go ba baratwa ba gagwe le ka moka bao e bego e le baratiwa go yena, gomme a mo romela ka lešokeng, go ngwala Melao ya Beibele. Yeo e be e le Testamente ye Tala, Dipuku tše nne tša mathomo, Genesi, Lefitiko, le Deuteronomi, Ekisodo. O . . . Ga se ka di bolela feela ka tatelano, eupša tšeo ke Dipuku tše nne. Yeo ka nnete ke Testamente ye Tala. Ka baka la gore, ka moka ga Yona ke se se boletšwego ke baporofeta, ka go Dipsalme tša Dafida, le go ya pele, eupša Dikoronika tša dikgoši. Eupša ye e be e le metheo ya Testamente ye Tala. E bile Moshe yo a di ngwadilego morago ga ge a beditšwe go tšwa naga legaeng ya gagwe, fao a go tswalelwa gona gomme a godišwa magareng ga batho ba gagwe, gomme a romelwa ka leganateng, go ngwala Puku ye ya Testamente ye Tala.

<sup>12</sup> Bjale ke hwetša gore ka Pukung ya Testamente ye Mpsha, fao Paulo, yo e lego mongwadi, goba e sego mongwadi, eupša mongwaledi wa Testamente ye Mpsha. Le yena o ile a gapelwa go tšwa magareng ga batho ba gagwe, gomme, ka Moya, go ya Arabia, fao a bilego mengwaga ye meraro le seripa, go hwetša tšhušumetšo. Gomme Paulo ke mongwaledi mogolo wa Testamente ye Mpsha. Bjale, fao go Mateo, Mareka, Luka, le Johane, eupša ba be ba no ba bangwaledi bao ba bego ba no ngwala se Jesu a se boletšego ge ba be ba Mo latela mmogo. Gomme, eupša, wena tšea Puku go ya go Timothio, le go ya go Baroma, le go ya go Baheberu, le go ya pele, Paulo o amogetše tšhušumetšo go ngwala Testamente ye Mpsha; a tšea ka moka Testamente ye Tala bjalo ka morithi, gomme a e bea ka lenaneo. Gomme Modimo a e hlompha, gomme a e dira Testamente ye Mpsha.

<sup>13</sup> Gomme bjale ge Testamente ye Tala e ile ya swanelwa ke go gapelwa go tloga go . . . mongwaledi a ile a swanelwa ke go gapelwa go tšwa go batho ba gagwe, go ya ka lešokeng, go hwetša tšhušumetšo ya go ngwala Testamente ye Tala. Gomme ka Testamenteng ye Mpsha, mongwaledi o ile a gapelwa ke Mongwadi, go ya ka lefelong la leganata, go hwetša tšhušumetšo ya go ngwala Testamente ye Mpsha.

Gomme Dipuku di tswaletšwe ka Mahuto a Šupa; go tla nyakega gape se se swanago, ke a dumela, ka matšatšing a, go bula Mahuto ao a Šupa. Go tlogela se o se swerego go ratega, go ya go se o se babalelago, gomme legae le lennyane le ke le filwego ke batho, le magareng ga ka moka batho ba ka le bagwera, le kereke yeo e bego e atlega, gomme e se na le selo sa go hlokega; gomme go—go tlogela yeo, go goga thwi go tloga go yona, gomme wa sepela go tloga, go ya ka leganateng fao o sa tsebego motho yo mongwe, gomme selo se sengwe le se sengwe kgahlanong le wena.

<sup>14</sup> Eupša fao go na le selo se sengwe ka Modimo, yoo A gapelago monna go dira dilo tše di lego ka godimo ga go nagona mo go itšego ga gagwe mong, gore go kgone go ba letagong le tlhomphong ya Modimo. Gomme ke kwa seo, e sego tlhompho ya bonna, eupša ke—ke e kwa e le mongetla wa gore e be e le go tlogela selo se sengwe le se sengwe seo se bego se le sa go ratega go nna, go fihla ka mo lešokeng le gomme le tlaišega bjalo ka ge ke se ka ke ka tlaišega ka bophelong bja ka, fa ka mo lešokeng le, goba leganata le. Eupša ke a dumela, gore ka go dira seo gomme le go obamela seo Modimo a laetšego gore se dirwe, Modimo o buletše go rena diphiri tša letšatši le la mafelelo. Gomme re fa ka Molaetša wo.

<sup>15</sup> Bjale, fao go be go le batho ba bantši ba ba bego ba ntatela, gomme ba e sego ba mehleng. Ka mehla motho yo . . . Batho ba a ratana yo motee go yo mongwe, gomme lona, lerato, le tla go go gapela go dira tše o sa naganego gore o ka di dira. Gomme ba bantši ba lena le tlogetše magae a lena, le tlogetše ka moka, go no ya, la tla ntle fa ka leganateng.

<sup>16</sup> Ba bantši ba mpiditše, ba bantši ba mpotšišitše, “A re ka tla Arizona? A e ka ba lefelo le le botse go rena?” Go lokile, bjalo ka ge go ile gwa boletwa ka Moshe le bona, e be e se lefelo la dikenywa, e se lefelo la garenate.

<sup>17</sup> Fa moo ga go na le mošomo wo montši go o dira, gomme go phela go godimo, gomme boleng bja bophelo bo godimo. Ke lefelo la makgwakgwa ka nnete go phela, ke Tucson, Arizona; meputso e a šokiša, gomme—gomme dijo di godimo, le rente. Ke—ke lefelo la go šiiša go phela, ka mokgwa woo. Eupša le fodile, le omile. Gomme nako tše dingwe re . . . Ga re a swanela go dira menagano ya rena go ekiša go dilo tša lefase le.

<sup>18</sup> Re swanetše go lebelela go go etellwapele ga Moya wo Mokgethwa. Eupša selo se setee se se ntshwentšego ge ke etla ka fa, le go botša batho, go lokile, “ga le a swanela go tla” goba “le swanetše go tla,” seo ke se tlogela godimo ga motho ka motho yo mongwe le yo mongwe, ka tsela ye Modimo a etellagopele motho yoo go dira. Ke nagana gore yo mongwe le yo mongwe wa rena o swanetše go dira seo, go etellwapele ke Moya, go seo a swanetšego go se dira.

19 Gomme ba bantši ba lena fa ba tšwa tikologong ya Jeffersonville, gomme ke ba phuthego kua, gomme le tlile ntle fa. Bjale, selo se se bego se ntshwenya, e be e le lefelo la go direla.

20 Gomme ke a lemoga, ge ke bala ka Lengwalong fa, ka Stefano le polelo ya gagwe feela pele ga lehu la gagwe; ka gore ba mo kgatlile ka maswika ka pela ka morago ga fao, ka baka la molaetša wa gagwe. Ge a be a bolela, o rile, “botate wešu,” a bolela ka Baheberu ka matšatšing a pele, ka fao ba ilego ba leka go hwetša kgaogelo pele ga Modimo, go aga lefelo la go direla. O boletše gore, “Solomone o Mo agetše ngwako, goba moago.” Re tseba setori.

21 Eupša ke rata mantšu a gagwe a a latelago, “Go bjalo gore yo Godimodimogo ga a dule ka dintlong tše di dirilwego ka diatla,” gomme lefelo le lengwe ka kua go Jesaya. O rile, “Mmele Wena o Ntokišeditše; le a bona, sehlabelo le meneelo, le meago, le go ya pele, eupša mmele Wena o Ntokišeditše wona.” Go lokile, re lemoga gore o be a bolela nako yeo ka mmele fao Modimo a bego a tabarenekētšwe, ka go Kriste.

22 Eupša ke a dumela lehono, gore tšhušetšo ye ya go tla go—go Ngwanešu Green, go khudugela fa, yena le Kgaetšedi Green, ba tlogela lefelo la bona morago bohlabela, le, gape, morago ka Texas, go tla fa le . . . go thoma ka lefeela; feela ga bonolo ka tšhušetšo, ba e kwa gore ba swanetše go e dira. Ke leboga banna ba ba tlogo go latela go etellapele ga Kriste, go sa kgathalege tefo ye e ba bitšago.

23 Le ge lefase lohle, mohlomongwe bona bagwera ba gago ba bakaonekaonekaone, ba nagana gore o phošitše, eupša ga se phošo go wena. Ge feela o e kwa gore fao go na le selo se sengwe morago ga sona, ke Modimo a go khudušitšego; ga se phošo, gomme ka mehla se tla alegela ntle gabotse.

24 Le bona banyalani ba baswa ba, monna yo moswa wa ditalente. Ga ke bolele se ka baka la gore o dutše fa. Le mohumagadi yo moswa yo le bana ba gagwe, le lapa la gagwe go le godiša, gomme o tlogetše mošomo wa gagwe le se sengwe le se sengwe, go khudugela fa.

25 Ke a lemoga gore mengwaga ya go feta ke ile ka biletšwa ka bodireding. Ga se ka ke ka dira modiša wa go atlega, ka baka la gore ke be ke na le wa go tlaruma, wa go tlhetlha moya. Ga ke kgone go kgotsofala kae kapa kae. Feela fao Moya o khudugelago, ke swanetše go no khuduga le Wona, ka baka la gore ke na le Molaetša. Jesu o rile, “Ke swanetše go rera le ka moo go ye nngwe ya toropo gape.”

26 Eupša fao go na le bao e lego badiši ba ba hlokomelago mohlape. Ke leboga kudu gore Ngwanešu Pearry o latetše boetedipele bja Moya wo Mokgethwa, gomme lehono re na le tabarenekele. Ke ye tee ye nnyane. E no ba ye e lokilego go lekanela go thoma ka yona, go bona se Moya wo

Mokgethwa . . . Ka go se tsebe, a re nong go šuthela kgato ka kgoto. Bjale, ke a dumela, ge Modimo a boletše go Ngwanešu le Kgaetšedi Green, go tla fa, gomme ba butše lefelo fao bana ba rena; sebakeng sa gore ka Lamorena mosong ba namele dipaesekele tša bona, le godimo ga diterata gomme ba kitime go dikologa, ba na le lefelo la go tla go direla, go na le gore rena re dule go dikologa gomme re theeletše selo se sengwe seo re se kwelego go seyalemoya, seo ka moka se lokile.

<sup>27</sup> Eupša rena, bjalo ka sehlopha se sa batho, re na le Molaetša wa letšatši le. Re, re a dumela gore Modimo o re file Molaetša. Gomme Ngwanešu Green, ke, ga ke nyake go mmitša modirišane wa ka, ka baka la gore re . . . Go lokile, ke, gape, modirišane wa ka, re mmogo ka Molaetšeng wo. Ngwanešu Green o rera selo se se swanago gape le Molaetša wo ke dumelago ka go wona. O tlogetše legae la gagwe, o tlogetše batho ba gabo, o tlogetše kereke ya gagwe. O be a le, ke a dumela, o be a le mosuperintente wa tikologo goba selo se sengwe, wa wo motee wa mekgatlo, gomme a tlogela selo sohle ge a kwele Wo. O tlogetše selo se sengwe le se sengwe se se bego se ratega go yena, gape, go tla leganateng, go thekga se Modimo a re fago sona bjale.

<sup>28</sup> Ke re ke a dumela ga se feela gore go be ka dipelong tša rena, e swanetše go ba mošomo wa rena go mo thekga, selo se sengwe le se sengwe re se kgonago, go tsenela ditirelo, go tla fa go tla go direla, gomme go dira lefelo le fao Modimo a ka kgonago go utolla go rena dilo tše A nago natšo tša rena go di utolla. Gomme bjalo ka ge lentšu la gagwe le rile, “Molaetša ga o tle go nna ka go fa tšhušumetšo, bjalo ka ge o dira go mohlomongwe ba bangwe ba rena, eupša,” o rile, “ke fa go tla go thekga se Modimo a se filego.” A setatamente! Gomme ke a dumela, ge ka moka re ka dirišana mmogo, re tla tšhollela dipelo tša rena go sona.

<sup>29</sup> Ke a tseba gore yo mongwe le yo mongwe wa lena, ge le ikwela ka fao ke dirago, ke swerwe ke tlala kudu go bona Moya wa Modimo o sepela, ke no se kgone go e emela. Maitemogelo a mangwe a ke sa tšwago go ba le wona godimo ka thabeng, go no kwa gore gatee gape, gore Selo se sengwe seo ge la mathomo ke sa tšwa go phološwa e be e le sa letago kudu pelong ya ka! Gomme ge re etla ka lefelong, re ka kgona go dula gomme re se bone magareng ga rena, gore re a oma. Ge re dutše fa ka leganateng, ke tla magareng ga baena ba ka, ba bolela le nna gomme ke bolela le bona; ka mehla, ka tsela ye nnyane ya go bogela, re ikwa ntle fao ka Moya, bjalo ka ge o be o le, go bona boemo bja yoo ngwanešu, go bona gore phošo ke eng. Ke thoma go re kwa ka moka re theoga, re eya kgole go tloga go Moya. E tlile go ba selo sa tlhago go rena. Re swanetše go direla ka Moya, fao Moya wa Modimo . . . E sego feela gore Molaetša wa rena o swanetše go ba kgabo ya

iri, o swanetše go ba kgabo ka dipelong tša rena. Le a bona? O swanetše go ba ka dipelong tša rena, goba re ka se kgone—re ka se kgone ka maleba go O tliša bathong. Moya o swanetše go rwala Molaetša, ka Bowona. Gomme ke a tshepha le go dumela go yo mongwe le yo mongwe wa lena, go ba Mokriste wa nnete.

<sup>30</sup> Bjale ba nyaka mathitšhere a sekolo sa Lamorena. Ba ya go nyaka bašomi. Gomme ke nyaka go bolela se gore le tla kwišiša ka go tselelela. Ye ke kereke ya ka.

<sup>31</sup> Ke bile fa mengwaga ye meraro. Gomme ke bile le mojako wo motee o mpulegetše, yoo e be e le Ngwanešu Mack a nkgopetšego go tla go rera. Modimo a mo šegofatše. Ga se ka hlwe ke laletšwa ke motho yo mongwe gape; ga go selo kgahlanong le bona, ba ka moka gabotse. Ngwanešu Brock, mogwera wa go loka wa ka, Ngwanešu Gilmore, ba bantši ba baena ba ba Mapentecost fa, ke kudu, kudu bagwera ba go tiba ba go loka ba ka. Ke a ba rata; ga go selo kgahlanong le bona. Ke kwišiša boemo bja bona. Ba ka se kgone go ntaletša ka fao, gomme ka gona ba šala ka mokgatlong wa bona. Le a bona, ba ka se kgone go e dira. Ka baka la gore, ge ba dira, ba ragelwa ka ntle. Ka fao le bona boemo bja bona. Ke bile le selo se se swanago go se lebanya. Eupša, nna, a nke ka mehla e be, “Nyaka lena pele Mmušo wa Modimo,” thato ya Modimo.

<sup>32</sup> Gomme bjale ka gore, Ngwanešu Green, Modimo o mo romile ka fa gomme a re bulela kereke ya Tumelo ye bohlokwa ya go swana ye re dumelago ka go yona, re swanetše go leboga kudu go Modimo, gomme re tselele tirolo ye nngwe le ye nngwe, re tšee lefelole le lengwe le le lengwe leo re ka kgonago. Gomme ge re kgopelwa go tla, go rapela, go nyaka, go dira, a re beng mašole thwi ka . . . go no ba le phišego go e dira. Le a bona?

<sup>33</sup> Bolokang Molaetša o hlomphega, gomme le phele mohuta wa bophelo bja go loka. Le seke la dumelela tšhila e etla godimo ga Wona. Re phela llata kudu bjale. Re—re latetšwe kudu ka go iri. A re O pheleng o hlwekile. Go lokile, bophelo bja ka, bophelo bja gago, ka moka maphelo a rena a nyaka go kukelwa godimo, pele ga Modimo.

<sup>34</sup> Batho ba rena ba baswa ba no namela go dikologa, go tloga lefelong go ya lefelong, go tloga pontšhong go ya pontšhong, ba šuthele kgole le kgole go tloga go tšwa go Modimo. Thwi. Bjale, seo ke therešo. Ke a e bona ka go bana ba ka, gomme ke ipona ka bona ke fihla lefelong fao go sego . . . Lena, lena le swanetše go re kgobela ka borena mmogo, go direla Modimo; Beibele e boletše bjalo, “Ge re bona letšatši le le batamela, kudu go fetiša etlang mmogo.” Ge fao go na le batho ba babedi fa, e ba yo mongwe wa bona. Bjale seo . . . Gomme ge re etla mmogo gomme re direla mmogo, gona re no, selo se sengwe goba se sengwe ka yona, Jesu o rile, “Fao ba babedi goba ba bararo ba kopanego ka Leina la Ka, fao Ke gona magareng a bona.”



<sup>35</sup> Bjale, bjalo ka ge ke boletše pele, Ngwanešu Green o mpoditše, gomme o e boletše. Mosadi wa ka o a tla, o mpoditše se a se boletšego ge ke be ke sepetše. Gore, gomme o boletše mosong wo, “Phuluphithi e be e bulegile nako ye nngwe le ye nngwe.” Bjale ka mehla . . . Yeo, e bulegetše nna go bolela.

<sup>36</sup> Bjale, ka mehla, ke be ke swanetše go otlela tsela ka moka go ya Jeffersonville, Indiana, go fa Molaetša wo Modimo a mphilego wona, go o tliša go batho; go ya tsela ka moka go ya Jeffersonville, Indiana, gomme yo mongwe le yo mongwe wa lena a logagane go phutlaganya naga, le go fega metato godimo le dilo, go hwetša Molaetša, ka baka la gore seo ke se re phelago ka sona. Le a bona, seo ke se re lego fa ka sona. Go lokile, ga re a swanela go dira seo gape.

<sup>37</sup> Modimo o mpha Molaetša, nka kgona go sepelela thwi fa go ya phuluphithing gomme ka o rera, gomme ka kwa ke lokologile go e dira. Ya. Gomme ke a dumela, ka seo, gore Modimo Ramaatlakamoka o tla le šegofatša ge le ka no ema kgauswi le kereke ye bjale, sehlopha se sa batho. E sego feela seo, eupša a re yeng ka ntle gomme re bone ge re ka se hwetše ba bangwe go tla ka gare. Le a bona, a re boletšeng le ba bangwe mo gohle, re bolele le bona ka kereke ya rena le se e se rago. Seo kereke ya rena . . . Re fa. Re le nyaka gore le tle, tlišang basetsebjje ka gare, gomme ke na le nnete go tla ba mo go botse go rena ka moka. Le a bona? Re na le moago, wo re lebogago ka wona. Re a leboga ka lefelo le, go kgobokana mmogo.

<sup>38</sup> Eupša, “Go bjalo gore yo Godimodimodimo ga a dule ka ditempeleng tše di dirilwego ka diatla, le a bona, ‘Ka gore Legodimo ke terone ya Ka, gomme lefase ke bogato bja leoto la Ka; gomme le kae lefelo la Ka la go khutša? Eupša mmele Wena o Ntokišeditše.’”

<sup>39</sup> Gomme re Mmele wa Kriste. Ka fao ge re tloga go tšwa moagong wo mongwe go ya moagong wo mongwe, ke a dumela, ka go tliša Melaetša ya rena, gomme re tla tla tlase gomme re be le ditirelo tša go fodiša. Gomme eng kapa eng se Morena a se utollago go rena gore re se dire, re tla ba le sona fa ka kerekeng, go fihla e kokomogela ntle ka bogolo le tla swanelwa ke go e tšeela felotsoko gape, le felotsoko gape, go fihla Jesu a e tla. Modimo a le šegofatše.

<sup>40</sup> [Ngwanešu Peary Green o a swaya, gomme o kgopela Ngwanešu Branham go mo hlomamiša. Lefelo le le se nago selo godimo ga theipi—Mor.]

A re kobamišeng dihlogo tša rena.

<sup>41</sup> Morategi Modimo, ge re eme fa godimo ga sefala se, se se emelago, thwi godimo ga aletara fa, re a lemoga gore re mo—morafo wo o hwago wa batho, bokgole bjo lefase le le amegago. Re lebelela ka ntle godimo ga diterata gomme re bona sebe se ngwadilwe mo gohle, gomme le gore Letago la



Morena le tloga ka lebelo. Gomme re a tseba, ge Letago la Morena le eya godimo, ka fao Kereke e tla ya le Lona. Modimo, re nyaka go ba fao.


<sup>42</sup> Feela matšatši a se makae a go feta, ke eme fa godimo khoneng ya seterata, feela go kgabaganya seterata, ke bogetše phareiti e eya go theoga seterata; gomme ke bona ditanka tšela tša kgale tša Ntwa ya Pele di etilepele tseleng, gomme gwa tla tanka ye kgolo ye boima ya Sherman, ka morago ga yeo go latela pele le pele le pele, ka gona bomme ba naledi ya gauta; lapa le lennyane la go thubega, le mosadi wa go lla, le mošemane yo monnyane wa mankgeretla a lahlegetšwe ke tatagwe, mme wa go tšofala a lahlegetšwe ke morwa. Ka gopola, “Go nyamiša bjang,” go ema khoneng ya seterata le go bogela selo se sengwe sa go swana le seo se feta. Ka gona ke etše hloko, feela ge ba fetile moago wo, mmimo wa fetogela go *Eyang Pele, Mašole a Bakriste*. O bapala dimatšhe tša bona, morago; eupša ge ba fetile lefelo le!

<sup>43</sup> Morategi Modimo, ke nagana ka ye nngwe nako ye kgolo e tlogo, gomme yeo e tla ba tsogo, ge ba nako ya kgale ba tla tla pele la mathomo, bakgethwa, bapatriaka. “Ka gore rena ba re phelago gomme ra šala re ka seke ra thibela goba ra šitiša bao ba robetšego; ka gore phalafala ya Modimo e tla lla, gomme ba ba hwetšego go Kriste ba tla tsoga pele.” Ka gona ge re bona ye kgolo yeo. . . feela batho ba e ya, ba matšhetša godimo go kgabola magodimo; gomme re tla be re eme, re letetše phetogo ya rena, re tseba gore re tla wela ka llaeneng, le rena. Modimo, re dire mašole a go tshephega.

<sup>44</sup> Feela bao ba bego ka nnete ba bego ba amana gomme ba le ka ntweng ba tla tseba gore ka nnete seo se ra go reng, go bona ditanka tšeo di tokologa go feta. Gomme, Modimo, re nagana gore bao ba bego ba le ka ntweng ya bophelo ba tla tseba seo e se rago, ge re be re letetše karolo ya rena go wela ka lemong le lefelo, ka tsogong, go ya godimo.

<sup>45</sup> Gomme se, ngwanešu yo moswa, a emego fa, yo a hlahlilwego gabotse, o loketše, o apere, o letetše mokgalabje go bea diatla godimo ga gagwe, yo motee yo e lego letšwalaphaga la kgale go tšwa godimo kua ka llaeneng ya pele, o tseba gore o swanetše go tšoena ntwa le yena, mmogo. Morategi Modimo, ka diatla tše tša go se be le maswanedi ke di bea godimo ga ngwanešu, go emela tša Gago. Šegofatša Ngwanešu Green, morategi Modimo, yo ke mo šegofatšago ka la Jesu Leina. A nke a rwale Molaetša wo, Morena, go ya ka toropongkgolo ye le mo gohle O tlogo go mmitša. A nke a botege, a tlatšwe ka Moya, a phele bophelo bja ka godimo ga kgobogo. Modimo, mo dire a be le dipelo tša batho, gore a kgone go ba ruta le go ba etapele le go ba šupetša tšela yeo ka moka re dumago go e sepela. E fe, Morena.

<sup>46</sup> Šegofatša mosadi wa gagwe wa go tshephega, bana ba gagwe ba bannyane. Šegofatša matsapa a rena fa mmogo, bjalo ka banabešu ba Bakriste fa mo lefaseng, gore re rwale Ebangedi ye go ya mafelelong a lefase. Romela Moya wa Gago godimo ga gagwe, Modimo. Re rapela go la Jesu Kriste Leina, ge re mo neela go Wena. Amene.

Modimo a go šegofatše, Ngwanešu Pearry. Rwala Lentšu la Modimo! 

*KE NGWAKO OFE WO LE KAGO GO NKAGELA WONA? NST65-1121*  
(What House Will You Build Me?)

Molaetša wo ka Ngwanešu William Marrion Branham, mathomong o abilwe ka Seisemane ka Lamorena mosong, Nofemere 21, 1965 ka Taberenekeleng ya Tucson, ka Tucson, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)